

جریدہ علیہ

مشیت جلیلہ اسلامیہ ک جریدہ رسمیہ

برنجی سنہ آمدہ بر نشر اولنور عدد ۱۰

۳ رجب سنہ ۱۳۳۲ و ۱۵ مایس سنہ ۱۳۳۰

« لیلہ رغالہ عیمة المواب »



امور اداره و تحریریه مشیخت علیا مکتوبخیانی طرفندن نظارت اولنور.



مطبعة عامره — استانبول

۱۳۳۲

ماده سنده مذکور اولدینی اوزره خصومه وکالت قبضه وکالتی مستلزم اولمادیغندن وکیل مومی الیه قبضه وکیل دکل ایسه محکوم بهی بالوکاله قبضه صلاحیتی بولناماق ووکالتی وار ایسه اعلامده کوسترملک لازم کلورکن بوجهته دقت اولنماسی .

ثالثاً مدعی علیه وکیل طرفندن متوفانک یوز الی لیرا مقبوضی اولدیغنه دائر ابراز اولنان سنده قارشو مدعیلر وکیلنه نه دیه جکی یعنی متوفانک مقبوضی بولنوب بولندیغنی سؤال اولنه رق حاصل اوله جق نتیجه یه کوره بر قرار اتخاذا یدللماسی .

رابعاً مدعی علیه یان هربری طرفندن برر وکیل حاضر بولنش ایسه ده ابراز اولنان سندی اقراره دائر اولوب اعلامده مذکور « اولدخی جوابنده » عباره سندن اقرارک بو ایکی وکیلدن هانکیسنه عائدیتک آکلاشیللماسی .

تلیغات عمومی

«بالعموم مراکز ولایات والویة غیرملحقه قاضیلکلینه کشیده بیوریلان ۳ مارت سنه ۳۳۰ تاریخلی تفریغنامه عالی صورتیدر» عواطف سنیة حضرت خلافتنا هیدن مسند مشیخت بوکره عهدۀ مخلصیه تفویض بیورلمغله مستعیناً بتوفیقاته تعالی وظیفه یه مباشرت اولندی مأمورین شرعیه نک وظائف موکوله لرینی احکام عادلۀ شریعت و اساسات مبعجلۀ مشروطیت دائره سنده حسن ایفایه اعتنا ایتملری بغایت ملتزم اولدیغندن بومسلك قومیه سالک اولانلرک دنیوی و اخروی نائل مکافاة و خلاقی حرکتده بولنانلرک دوچار مجازات اوله جقلری خاصۀ اخطار و ملحقات قضائیه ده ایفای و صایا اولنمیشی توصیه اولنور .

* *

«عاکم شرعیه ده شهادت کاذبه نک منع وقوی ایچون توسل اولنله جق تدابیر حقنده » بعض اشخاصک یالان یره شهادت کبی مادی و معنوی موجب نکال عظیم اولان بر فعل مردودی صنعت و اعتیاد ایدینه رک احکام مقدسه شرعیه یه توفیقاً محافظۀ حقوقی متکفل بولنان محاکم شرعیه یه دخی فرجه یاب دخول اوله رق افادات مزوره لر یله اضاعۀ حقوقه ساعی بولنملری یوزندن خلقت کوندن کونه وثوق و اعتمادی منسلب اولمقدۀ بولندیغنی مشهود اولدیغندن بعد ازین استماع ایدیله جک شهودک قبل الاستماع احوال حاضره و سابقه لری مزید اعتنا و دقتله تفحص و اوصاف لازمه شرعیه یی تمامیه حائر اولوب اولمدقلری سرعت

ممکنه ایله تحقیق و تدقیق اولنه رق تین ایدیه جک حاله کوره معامله ایفاسی ولدی الاستماع افاده لرینک حرفیاً ضبط دعوایه ووجه لایقیه تنظیم اولنه رق اعلامه دخی درجی خصوصلرینک تعمیماً قضاة کرامه تبلیغی مجلس تدقیقات شرعیه دن افاده اولنه رق ایجابی اجرا ایدلمش اولغله طرف فاضلانه لرندن دخی اکا کوره اقتضاسنک ایفانسخ ملفوفه نك ملحقات قضاتنه اسراسنه همت اولنمسی سیاقنده شقه محبی ترقیم قلندی .

۱۲ جمادی الاولی ۱۳۳۲ ۲۶ مارت ۱۳۳۰

*
*

« اعلانات شرعیه به متعلق تدقیقات تمیزیه نك تأخردن وقایه سنی تأمین ایدیه جک تدابیره دائر »
تمیزاً تدقیقی استدعا اولنان اعلانات شرعیه نك لوایح تمیزیه ایله برابر مأخذسبکلی اولان ضبط دعوی صورتلرینک دخی برلشدیریه رک ارسالی لازمه دن بولندینی حاله بو جهته اعتنا ایدلما سندن ومدت تمیزک گذران اولوب اولمدیغنک تعینی ضمنتده تبلیغ علم و خبرلرینک محللرندن جلبی ایچون علی الا کثر مخبرات زائده اجراسنه مجبوریت حاصل اولماسندن دولای تدقیقات تمیزیه بعض مرتبه تأخراته معروض قالمقده بولندیغندن بعدازین تمیزی طلب اولنان اعلامک تمیز استدعا ولایحه سیله برابر ضبط دعوی صورت مصدقه سنک واثنای محاکمه ده طرفیندن ابراز اولنان وثائق وسنداتک اصل ویا صورتلرینک برلکده کوندرلمسی واعلام محکوم علیه تبلیغ ایدلمش ایسه تلایخ تبلیغنک وتبلیغ ایدلیوبده محکوم علیه ک طلبی اوزرینه ویرلمش ایسه اولوجه له اعطا ایدلدیکنک ظهر اعلامه تحشیه ومهر رسمی ایله تحتیمنه اهتمام اولنمسی خصوصلرینک تعمیماً حکام شرعه تبلیغی مجلس تدقیقات شرعیه دن افاده اولنه رق ایجابی اجرا قلنمش اولغله طرف فاضلانه لرندن دخی اکا کوره اقتضاسنک ایفانسخ ملفوفه نك ملحقات قضاسنه اسراسنه همت ایملری سیاقنده شقه محبی ترقیم قلندی .

۱۲ جمادی الاولی ۱۳۳۲ و ۲۶ مارت ۱۳۳۰

*
*

« تولیتلری منحل اوقاف شریفیه حکام الشرع ایله اوقاف مأمورلرینک صورت وضع یدلری حقنده »
کرک اوقاف صحیحه وکرک غیر صحیحه دن اولسون تولیتلری منحل اولان اوقاف شریفیه اوقاف - مأمورلرینک طوغریدن طوغرییه وضع ید ایملری توجیه جهات نظامنامه جدیدینک ماده مخصوصه سی ایجابندن اولوب حکام شرعک یالکز الی بشنجی ماده موجبجه وقفک حسابی رؤیت وموجودی ثبت دفتر ایدلمک اوزره وفات ایدن

متولينك تركه سنه وضع يد ايد بيله جك كرينه دائر اوقاف هايون نظارت جليله سندن جواباً وارد اولان تذكره اوزرينه كيفيت مجلس تدقيقات شرعيه افاده سيله تعميماً قضاء كرامه تبليغ ايدلمش اولمغله طرف فاضلان لرندن دخي اكا كوره اقتضاسنك ايفافونسخ ملفوفه نك ملحققات قضاتنه اسراسنه همت ايللري سياقده شقه محبي ترقيم قلندي .
۱۹ جمادى الاولى ۱۳۳۲ ۲ نيسان ۱۳۳۰

*
* *

« حکام شرعك تطبيق احكامده تأمين اصابتہ اعتنا ايجلری حقندہ »

اقتصر قضاسى قاضيسى على زهدى افدينك بسيط ير دعواده خطيئات عظيمه اختيار ايدرك حقوق مقدسه شرعيه ده تهاون كوسترديكى اولبلانده كي اعلامه فتواخانه دن محرر دركاردن اكلا شلمسنه بناء مومى اليه انجمن انتخاب افاده سيله عزل و كيفيت تعميماً قضاء كرامه تبليغ ايدلمش اولمغله مصالح واقعه ودعاوى متحدثه نك احكام جليله شرع مينه تطبيقه بغايت اعتنا ودقت ونسخ ملفوفه نك ملحققات قضاتنه اسراسنه همت اولنمى سياقده شقه محبي ترقيم قلندي .
۱۹ جمادى الاولى ۱۳۳۲ ۲ نيسان ۱۳۳۰

*
* *

« موجود وقفك مأمورين وقفيه دور وتسليمندن طولايى حاكم شرعيه جه خرج استيفاف اولنه ميه جنى حقندہ »

توجيه جهات نظامنامه سنك اللى بشنچي ماده سى دائره سنده تحرير تركه حقندہ كي احكام نظاميه توفيقاً رؤيته وموجودينك ثبت دفتر ايدلمسنه توسل ايديله حك اوقاف ملحقه حساباتندن وموجود وقفك مأمورين وقفيه دور وتسليمندن دولايى خرج آلتوب آلتيه جنى استيداننه دائر شيله قاضيلكنندن وارد اولان تحريرات اوزرينه سبق ايدن اشعاره جواباً حكام شرعك حسابات مماثلهاي رؤيت وتصفيه ايله مكلفيتلري اساسات شرعيه دن اولوب متوليلرك وفات ويا استعفا ويا انعزالنده ايفافى لازم كلان مراسم دخي وظيفه مزبور نك تمامى تطبيقندن عبارت بولنش وتوجيه جهات نظامنامه سنك سالف الذكر ماده سى متنده تحرير تركه حقندہ كي احكام نظاميه توفيق معامله اولنه جغلك مذكور اولسى نقود موجوده وقفك ثبت وتحرير ومحاسبه توليتك تصفيه وانكالنده ماراليان تركه نظامنامه سيله قبول ايديلن اساسات تحريره نك وجوب اتخاذايى ازاناه ايدرك فقره مذكوره اوقاف مأمورلرينه دور ايديله جك نقوددن رسم اخذنى استلزام ايدہ جك حكم وقوتى شامل بولنامش وچونكه نقود مذكوره نك مخصص لى موجود واموال شخصيه يه غير

مشابه اولغله برابر اوقاف ملحقه وارداتندن اخذی لازم کلان رسومک خزینۀ اوقافه راجع اوله جنی نظامات خصوصیه مندرج اولدیغندن رسوم مذکوره یه علاوه بر منوال محرر دور معاملات و تقود صره سنده دیگر بر رسم اخذی مجاز کوریه مش اولدیغنه دائر اوقاف هایون نظارت جلیله سندن وارد اولان تذکره مجلس تدقیقات شرعیه یه لدی الحواله کیفیتک تعمیماً قضاۀ کرامه تبلیغی افاده اوله رق ایجابی اجرا ایدلمش اولغله طرف فاضلانۀ لرندن دخی اکا کوره اقتضاسنک ایفا و نسخ ملفوفه نك ملحقات قضائنه اسراسنه همت اولنسی سیاقده شقۀ محبی ترقیم قلندی . ۲۲ جادی الاولی ۱۳۲۲ و ۵ نisan ۱۳۳۰

• •

« بحاکم شرعیه یه یکی توجیه جهات نظامنامه سی احکام و تعریفاته توفیق معامله یه اعتنا اولنسی حقده »
 ۲ اغستوس سنه ۱۳۲۹ تاریخده موقع تطبیقه وضع اولنان توجیه جهات نظامنامه جدیدینک یکریمی یدنجی ماده سنده محرر اولدینی اوزره جهات علمیه امتحانلرینک حاکم الشرعک ریاستی اتنده مفتی* بلده ایله علماء محلیه دن اوچ ذاتدن مرکباً تشکل ایده جک بش کشیکک بر هیئت طرفندن اوقاف مأمورینک حضوریه اجرایی مقتضی و نظامنامه مذکورک سکرنجی ماده سی ده بابادن قالان پوست نشینلکردن ماعدا مشروطیت وجه ایله تصرف اولنمیان علمی برجهتک توجیهی لازم کلدکده مسابقه امتحانی بالاجراک زیاده اثبات اهلیت ایدنلره لزوم توجیهی محتوی بولدینی حالده هیئات مذکوره دن بعضری عدد نظامیسندن دون اوله رق تشکل ایله امتحان اجرا و آتف الیان سکرنجی ماده نظامیه ایله موضوع اصول مسابقه ده رعایت اولنمقسرین اهلیت مطلقه ایله اکتفا ایدلمکده اولدینی جریان ایدن معاملاتی ناطق مضابط وارده نك تدقیق محتویاتیه اکلا شلمقده و ایجابات نظامیه یه تمامیه توفیق معامله اولنمایی اکمال نواقصی ضمنتده مخبرات زائده و کثیره ایله تربید مشغولیت واضاعۀ اوقاته بادی اولمقده بولدینی کی اولجه معامله* توجیهیه اعلامات شرعیه و مجالس اداره مضبطه لری اوزرینه اجرا ایدیله کلکده ایدسه ده برچوق تأخرات و مخبراتی داعی اولان شواصول یکی نظامنامه ایله تبدیل اوله رق معامله مزبور نك سالف الذکر یکریمی یدنجی ماده موجبنجه تشکل ایده جک هیئات طرفندن اجراقلنه جق امتحانلر اوزرینه هیئات مذکوره جه قرق برنجی ماده ده محرر اولدینی وجه ایله تنظیم وارسال اوله جق مضبطه لر اوزرینه جریان ایتدیرلمسی مقتضی ایکن بر چوق محالردن کیفیت ینه اعلامات شرعیه ایله بیلدیرلمکده اولوب بوايسه هم دائرۀ جلیله فتوایی کلفۀ

تدقیقات ایله بلالزوم اشغال ایلمکده همده حکم نظامه مغایرتندن طولای شورای اوقافجه رد اولنه رق تکرار مخبراتی و بناء علیه بيسود تأخراتی استلزام ایلمکده اولدیغندن بوبابده اوقاف مدیر و مأمورلرینه تبلیغات لازمه اجرا قلندینی بیانیله احکام و ایجابات نظامیه ذکر اولنان هیئتله حریفاً نظردقت و اعتنایه الهرق معاملات امتحانیه و انتخابیه نك سالف الذکر نظامنامه احکامنه تماماً تطبیقیله برابر تمام عدد نظامیده متشکل اولق شرطیله محلی هیئت امتحانیه لرینجه تنظیم اولنه حق مضابطك ارسالیه اکتفا اولنه رق بشقهجه اعلام تنظیم و ارسال اولنماسی خصوصنك حکام شرعده ازباری اوقاف هایون نظارت جلیله سندن وارد اولان تذکره لرده اشعار و بویولده تبلیغات اجرایی لزومی مجلس تدقیقات شرعیه دن و مذکور نظامنامه ده محرر اولدینی اوزره جهات منحلّه مضابط ایله توجیه اولنه جفی جهته محاکم شرعیه دن اعلامات اصدارینه حاجت اولدینی فتواخانه دن افاده ایدلمش اولغله طرف فاضلانله لرندن دخی اکا کوره اقتضاسنك ایفا و نسخ ملفوفه نك ملحقات قضائیه اسرانه همت اولنمی سیاقنده شقه محبی ترقیم قلندی .

۲۲ جادی الاولی ۱۳۳۲ و ۵ نیسان ۱۳۳۰

*
**

« محاکم شرعیه نك درعهده ایلدیکی وظائفك اهمیت و علویتیه متناسب بر حال انتظام و تکمل اراهنسی لزومی حقنده »
دین مبین اسلامك بین الناس عدل و نظامی تأمین ایچون وضع ایلدیکی احکام جلیله نك تمامی تطبیقی رفاه و سعادت بشریه نك رکن قویمی اولوب احکام جلیله مذکورده بی تطبیق ایله مکلف اولان محاکم شرعیه نك وظیفه مودوعه مهمه سنی بحق ایفا ایله شریعت غرای اسلامیه نك احکام عالیّه عادلّه منه تجلیکاه اولدینی هر کس نظرنده اثبات ایلمسی و وظیفه سنك طوبیتیه مناسب حرمت و محبت عامه یه مظهر بولنمی مقتضی اوله رق بوغاییه تمامیه وصول ایچون حکام شرع شریفك احقاق حق امرانه فوق العاده دقت و اهتمام و محاکماتك سلامت قطعیه و سرعت ممکنه ایله انتاجنه صرف مزید اقدام ایلمسی لازمه دن و مع التأسف بعض محالدرده وقوعه کلمش اولان خطیئات و تأخراتك آتیا وقوع و دوامنه میدان ویرلماسی واجبه دن اولسلیله بوبابده لازم کلن تدابیره توسل ایدلمش و بعنایه الله تعالی بیانی تطبیقنه موفقیت الطاف الهیه دن متمنا بولمش اولوب بوجله دن اوله رق محاکم شرعیه ده بردن زیاده دعوتیه تبلیغی و وکیل مسخر تعینی اصولنك الفاسی مقتضی کوریلهرك بوبابده تنظیم اولنان ماده منفردّه نظامیه لایحه سی تصدیق عالی یه اقتران ایتکله صورتی لفأارسال

قلمش اولدیغندن شمدی به قدر برچوق شکایاتی موجب اولان مذکورده نك ماده نظامیه مزبورده موجبجه بعدما تطبیقندن اجتناب اولنغله برابر محاکماتك صورت سالمه ده اجراسنه وسرعت ممکنه ایله انتاجنه اعتنا اولنسی سیاقده شقه محبی ترقیم قلندی
۲۵ جمادی الاولی ۱۳۳۲ ۸ نیشان ۱۳۳۰

*
**

« امر تطبیقنده اکثریتله خطا ایدلمکده اولان بعض مسائل حقنده توضیحات ووصایای مخصوصه بی حاوی فتوا
خانه عالی دن ویریلان مذکره به دائر »

احقاق حق قضیه معتنا به اسنه صرف مزید اهتمام وحادثاتی مسائل عالیّه شرعیه سنه توفیقه اقدام تام وظائف متحمه دن بولندیفی حالده اثر لایقیدی اوله رق مسائل واضحه ودعاوی بسیطه ده خطیاتی محتوی اعلامات ووثائق شرعیه اعطا اولنمقده وبونك نتیجه سی اولق اوزرده مرة بعداخری تجدید محاکمات ایدیلهرك اصحاب مصالح ضرر دیده اولمقده بولندیغندن خطانك كثرث وقوعی اعتباریله جالب دقت کوریلان مسائل حقنده توضیحاتی ووصایای مخصوصه بی محتوی فتوا خانه دن ویریلان تذکره تعمیماً قضاة کرامه تبلیغ ایدلمش وبرصورتی لفاً صوب فاضلانهرینه ارسال قلمش اولنغله موجبجه معامله ایفا ونسخ ملفوفه نك ملحقات قضاتنه اسراسنه همت اولنسی سیاقده شقه محبی ترقیم قلندی.
۲۸ جمادی الاولی ۱۳۳۲ ۹ نیشان ۱۳۳۰

« فتواخانه عالی نك مذکره سی صورتی »

احقاق حق امر اهمنه فوق العاده دقت واهتمام ومسائل عالیّه شرعیه سنه توفیقه اقدام تام ایدلمك لازم کلورکن لایقیدی نتیجه سی اوله رق مسائل واضحه ودعاوی بسیطه ده خطیاتی محتوی اعلامات ووثائق شرعیه اعطا اولنمقده وبونك نتیجه سی اوله رق مرة بعداخری تجدید محاکمات ایدیلهرك اصحاب مصالح ضرر دیده اولمقده واتخاب حکام قانونی موجبجه قضاة دخی مسئؤل اوله جقلری طبعی بولنمقده اولدیغندن الكچوق خطا واقع اولان بعض مسائل بروجه آتی تعداد ایله قضاتك نظردقتلری جلب ایتك مناسب کورلمشدر. شویله که:
۱ — دعوی شهادت ایله ثابت اولنجه لفظ شهادتک اعلامه عیناً یازلمسی.

۲ — دعوانك یادفعك یمین ایله حلّی تقدیرنده تعلیم اصول تحلیفده برتفصیل بیان اولندیفی اوزره قاضی طرفندن صورت یمین ترتیب واولوجهله تحلیفی اجرا ایدیلهرك صورت تحلیفك اعلامده یازلمسی.

۳ — قادينلار نصاب شهادتدن جزء اولدقلرى تقديرده بونلرك مجتمعة استماع ايدلسى .

۴ — قاضى شهودده كذب احتمالى حس ايتديكى صورتده سراً وعلناً تزكيه ايله اکتفا ايتمهرك بالذات كنديسى يامىنى واسطه سيله شهودك احوالى خفياً تدقيق ايلسى وعلى الخصوص اقراره واقع اولان شهادتده بوجهته اعتنا اولنسى .

۵ — سندات خاقانيه ايله تصرف ايدلسى فرمان على اقتضاسندن بولنان عقارات دعوالرنده سنداتك ولدى الحانجه اوسنداتك اساسى تشكيل ايدن اوراق ودفاتر رسميه نك تدقيقه ابتدار اولنه رق بوجهتك اعلامده كوسترلسى .

۶ — شاهدلرك علناً تزكيه لرى ائناسنده طرفين ايله برابر شهودك دخى حاضر بولنديغلك اعلامده بيان اولنسى .

۷ — سندات شرعيه نك صورت تنظيمه دائر اولان تعليمات سنيه دن مقدم تاريخلى اولان سندات مذكوره نك مضمونلرى بالينه ثابت اولدجه مضمونيله عمل اولنماسى حقنده كي ملنى مجله جمعيتك قرارى نظر اعتنايه آلنسى .

۸ — تحرير املاك اجرا اولنان محالرده اخبار مجرد اوزرينه تصرف حجتى اعطادن توقى اولنسى .

۹ — نكاح دعوالرنده اذنامه ايله ائمه طرفندن تنظيم ايدلسى معتاد اولان ورقه عقده نك تدقيق ايدلسى .

۱۰ — تحرير نفوس اجرا اولنان محالرده اثبات وراثت ايتك ايستيانلرك نفوس تذكره سيله لى الايجاب نفوس قيدى نك دخى تدقيق ايله اثبات وراثتدن مقصدى نه ايدوكنى مدعى يه ايضاح ايتديريله رك بيان و تعداد ايدو چكى مقاصدك اعلامه درج اولنسى .

۱۱ — كرك دعوى و كرك مدافعه نك اسباب موجب قبوليه يارديه سنك اعلامده كوسترلسى .

۱۲ — بعض و ثائق شرعيه نك مهرلرى اوقونه ميه جق مرتبه غير متبين اولديغندن اعاده ايدملك مجبوريتى حاصل اوله رق تاخرات وشكاياته بادي ايدو كندن مهرلرك متبين اولسنه اعتنا اولنسى .

۱۳ — دعواده وكيل بولندينى تقديرده وكالتك صورتو يه سنك اعلامده يازلسى .

۱۴ — متوفى يا غائب عليه نه شهادت اولندينى تقديرده مجله ده مصرح اولدينى اوزره بونلرك باباوده ده لر نك اسملى شهود طرفندن بيان اولنديغلك اعلامده كوسترلسى .

۱۵ — خصومت رأى حاكمه محتاج اولان خصوصاتده طرف قاضيدن خصومتى
رأى ايدليكنك اعلامده يازلسى .

۱۶ — ولى ياوصى طرفندن ديكره وكالت ويرييه جك اولدقده ابرايه دخى توكيل
ايدلسنك قبول اولنماسى .

۱۷ — قاصر ين حقلر نده وصى تعيين اولنجه بونلرك ولى مجبر لرى ويا طرفلر ندىن
مختار وصى لرى بولنديغك يازلسى .

۱۸ — وثائق شرعيه ده حك و سياستى بولندير لمقدن توقى اولنسى .

۱۹ — نفى اوزرينه شهادت عادييه نك استماع اولنماسى .

۲۰ — استماع شهوده وقبول يمينه واستقراضه توكيل كچى لغو وغير مشروع اولان
خصوصاتك درجندن توقى ايدلسى .

۲۱ — سندات خاقانيه وقيود رسميه يه ربط ايدلمان وعقاراته متدائر بولان بيع وشرا
دعوالرينى استماعدن حكام ۲۷ جاذى الاخر سنه ۳۲۰ تاريخلو امرعالى ايله منع بيورلش
اولديغدن بوجهتك نظر اعتنايه آلنسى .

۲۲ — فرائض مسائلنده وعلى الخصوص مناسخلرده وجهات مختلفه دن آله جق
دعوالر نده حسابانده اكثر ثيا خطا واقع اولديغى كورلمكده اولمغله بوجهتلره اعتنا ايدلسى .

۲۳ — مشوش و پروزلى دعوالرده واقرباينتنده تحدى ايدن منازعاتده طرفينك صلحه
ترغيب اولنسى .

۲۴ — معاملات اجرائيه كچى مسائل شرعيه يه تعلق ايتيان خصوصاتده مقام معلاى
مشيختپناهيدن استفادن توقى ايدلسى .

۲۵ — ضبط دعوانك هيئت عموميه سنه نظراً نه يولده معامله ايدلسى لازم كلور يولنده
وشبهه زرده بولنديغى تعيين ايتيه جك صورتده استفتالره جواب ويرمك امكانى موجود
اولديغى تأمل ايديلهرك بويولده استفادن وبوندن طولايى تأخير مصالحه سبب و يرلمكدن
مجانبت اولنسى .

۲۶ — زوج اوزرينه زوجه ايچون تقدير نفقه بالتراضى اوليوب حكماً وقضاءً اولنجه
زوج و زوجه نك يسرو يا عسر حاللرينه، يا برى موسر ديكرى مصر بولنديغنه نظراً نفقه مثل
وقدر معروف بو قدر در ديه ارباب وقوفه اخبار ايتيرملرى يعنى مخربرك زوجينك يسر
وعسر حاللرينى نظر اعتباره آلدقلىرنك تصريح ايدلسى .

۲۷ — ازمنه مختلفه اقامه اولان دعاوی متعددده عین شهودك اقرارلره شهادت ایتدکلی کورلمکده ایدوکندن بوکی اشتباهی جالب وامنیت واعتمادی سالب شهادتلمده قضاة شرع شریفك فوق العاده متبصر بولملیرى .

الحاصل قضاة شرع شریف تزویر و وقوعدن اجتناب ایللملی هم تأمین عدالته همده کندیلرینك دنیوی و اخروی مسؤلیتدن وارسته قالمالرینه خادم اوله جغندن اعتناء تام و مزید اهتمام ایلله محاکمات شرعیه بی اجرا و وثائق شرعیه بی مستظم و مأل قابل انفهام صورتده تنظیم واعطا ایللملی. ومسائل وافحهده ایقاع خطیئات ایتك صورتیله عدم اقتدارلری تین ایدن حکامك اسامیسی. ذات عالی جناب مشیختناهیلرینه ابلاغی دخی مقرر بولندیخی خصوصاتی کندیلرینه امر و اشعار بیورملری رأی عالی جناب مشیختناهیلرینه وابسته بولمغین اولابده امر و فرمان حضرت من له الامر کدر .

۲۲ جمادی الالی سنه ۱۳۳۲

اعلامات شرعیه
امین الفتوی
مدیریتی

*
* *

ایکی طرف تواتر شهودی اقامه ایتدیکی یاخود برطرف بالتواتر مدعاسنی اثبات ایتدکدن صکره دیگر طرف دخی تواتر شهودی اقامه ایتك ایستدیکی تقدیرده اولنه جق معامله حقنیه وقوعبولان استیضاح فتوا خانه عالی جه بوجه آتی حل اولمشدرد :

متواترک خلافی دعوی محالی ادعا اولدیگی کبی آنك خلافتنه اقامه اولنان بینه دخی محالی اثبات ایچون اوله جغندن بو بینه استماع و قبول اولنه ماز . زیرا تواتر علم یقینی افاده ایتدیکی جهتله متواترک خلافتنه اقامه اولنه جق بینه بالضروره و یقیناً ثابت اولان شیئك رد و ابطالنی مستلزم اولور . ضروریات و یقینیات رد اولمق شویله طورسون شکی بیله قبول ایتدیکنندن بو بینه حس بصر ایلله محسوس اولان شیئك خلافتنه اقامه ایدیلان بینه کبی کذب محض اولور .

تواتره استناد ایدن کرک مدعی کرک مدعی علیه و تواتر کرک مثبت کرک نافی و کرک

اموالده كرك اموالك غيريسند و كرك قبل الحکم كرك بعد الحکم اولسون بونك خلافته
يینه عادیه اقامه اولنه میه جنی کبی تواتر دخی اقامه اولنه ماز . زیرا تواتر حجت قطعیه در .
متناقضینك خارجده وقوعی ممتنع اولدیغنه مبنی حجج قطعیه ده تناقض وقوع بولماز .
بناء علیه تقیضینك تواتری محالدر .

مثلا مشاهده صورتیه موجود اولدینی معلوم اولان خانه نك احراق اولدیغنه
تواتر بینه سی اقامه اولنسه بو بینه تواتر اولیوب کذب محض اولور . بوجهله هم مدعی
همده مدعی علیه طرفدن تواتر اقامه سی غیر جائز اولدیغندن هم مدعی همده مدعی
علیه طرفی تواتراً اثبات مدعا ایده جکلرینی بیان ایتدکلرنده بینات عادیه نك ترجیحنده
مراعات ایدلمسی لازم کلان قواعد و مسائله توقیفاً طرف راجحدن تواتر طلب ایدلمك
مطالعہ سی اصلاً وارد اوله ماز .

ایکی طرفك اقامه ایتك ایستدیکی تواتری قاضی معاً استماع ایده من . زیرا معاً و بردن
و بر ساعتده یعنی بری دیگرندن مقدم اولیه رق تواتر بینه سنی استماع ایتك غیر ممکندر .
بناء علیه قاضی البته بر طرفك اقامه ایده جکی تواتری اولا و اوکجه استماع ایتك مجبور
اوله جقدر . و بوجه مشروح اولا استماع اولنان بینه تواتر جم غیر اولوبده قاضی به علم
یقین و جازمی افاده ایتمش ایسه آرتق دیگر طرفك تواتر اولمق اوزره اقامه ایتك ایستدیکی
جم غیر عددأ اولکندن اکثر اولسه دخی بونك استماعنه محل قالماز . زیرا بودیکر
طرفك اقامه ایده جکی جماعتك خبری بالاده ذکر اولدینی وجهله کذب محض اوله جقدن
بونى سونلك و سولتمك « ماحرم فعله حرم طلبه » قاعده فقهیه سنه مبنی جائز اوله ماز .
وبرده قاضی به علم یقین حاصل و بوجهله حکمك سبب و شرطلری موجود اولدقدن صکره
مجله نك ۱۸۲۸ نجی ماده سی موجبجه حاکمك حکمی تأخیر ایتمی جائز دکلدر . نته کم
جامع الفصولین ایله قهستانیده « والقاضی بتأخیر الحکم یأثم و یعزل و یعزر » دیه مصر حدر .
مقدما بر طرفك اقامه ایتمش اولدینی جم غیر حاکمه علم یقینی افاده ایتما ایسه حاکم لدی الایجاب
دیگر طرفك اقامه ایده جکی جم غیری استماع ایدر . خاطره کلیرکه قاضی بحسب الظاهر
تواتر عد اولنان ایکی طرفك جماعتی دخی استماع ایتدکدن صکره ایکسینیده موازنه و مطالعه
ایده رك هانکی طرفك جماعتك خبری قاضی به علم یقینی بخش ایدر سه آنك جماعتی تواتر
عد ایده رك دیگر طرفك جماعتی رد ایتسون . بومعامله ایله قاضی بر طرفی التزام ایتك
تهمتدن دخی وارسته قالیر .

بو خاطره شایان قبول دکلدر . چونکه بو تقدیرده قاضی دفعه اولاده استماع ایتدیکی جماعتک خبرینه تواتر دیه مز . زیرا بوضورتده قاضینک ثانیاً استماع ایتدیکی جم غفیرک ضعیفی سببیه اوکجه استماع ایتدیکی جم غفیرک خبرینه تواتر اطلاق ایلش اولور . حالبوکه تواترک علم یقینی مفید اولسی یالکز وحصر آنخبرلرک خبرلرینه نظراً اولق لازم کلور . یوقسه ایکنجی جم غفیرک ضعیفی اولکنک تقویتنه سبب اتخاذا ایدیه مز . وتواترل آره سنده نسبت واضافت کوزده دیله مز .

برطرفک مثلاً مدعینک اقامه ایتک ایستدیکی جم غفیرک یالکز برمقداری اقامه اولنوب متباقیسنک استماعنه لزوم کورینه رک بشقه کون اقامه ایدلک اوزره امهال اولندیغنده دیگر طرف کندی تواتری حاضر بولندیغی بالیان استماعنی حاکمدن طلب ایتدکده بونی رد ایتک ایچون سبب یوقدر . چونکه حاکم متباقی شهودی طلب ایتسیله اولجه استماع ایتش بولندیغی مقدار ایله حاکمه علم یقین حاصل اولدیغی آکلاشیلور .

خلاصه ، تواتر آنحق شروط تواتری جامع وحاکم ایچون علم یقینی مفید اولان خبر صدق اولوب بوخبرله حاکمه علم یقین حاصل اولدیغندن دیگرطرفک حجتی کذب محض اولور . نته کیم کشف الاسرار ایله قرالامارده « وانه یوجب علم یقین کالعیان علما ضروریا ای کما یوجب العیان علما ضروریا . . . بل المتواتر یوجب علم یقین ضروره کالعلم بالحواس » ناعرف آبائنا بالخبر کاعرف اولادنا عیانا ونعرف جهة الکعبة یقیناً بالخبر کاعرف منازلنا عیانا » دنیلمشدر . یوقسه ایکی طرفک کتیردیکی جماعتدن ایکیسنکده شروط تواتری جامع وایکیسنده حاکمک قلبی مطمئن اولسی غیر ممکندر .

ایکی طرفک کتیردیکی جماعت شروط تواتری جامع دکل وهیچ بریسنه حاکمک قلبی مطمئن اولماز ایسه ایکی طرفکده کتیردیکی جماعت بینة عادیه حکمنده قاله رق حاکم ترجیح بینات مسائله توفیقاً راجح طرفک اقامه ایتدیکی بینة بی بالاستماع سرأ وعلناً بعدالتزکیه حکم ایدر .

تواترده قول مختاره کوره مخبرلرک عدد معینی اولمادیغندن مخبرلرک عددی شومقداره بالغ اولورایسه تواتر، آندن ناقص قالیرایسه بینة عادیه اولور دیه تعیین وتحید اولونه مازه زیرا مخبرلرعدول واشراف وصلحادن اولورلرایسه اعداد قلیله ایله علم یقین حاصل اولدیغی حالده بالعکس مخبرلر بومزیتی حائر دکلرایسه حصول یقین ایچون عدد کثیر لازم کلور . تلو یحده ذکر اولندیغی اوزره مخبرلرک عددی جم غفیر اولسی لازم اولور . بو جم

غفیرک کذب اوزره اتفاق ایتدکلرینه و اتفاق ایتلریده ممکن بولمدیغه عقل جزم ایتلیدر. حتی جم غفیر وعظیمک اخبارلرنده بر غرض بولدیغی تقدیرده بولرک خبرلری تواتردن معدود و علم یقینی مفید اولماز. یعنی تواترده مخبارک جم غفیر اولسی لابد اولمغله برابر هر جم غفیرک خبری تواتر ماهیتی حائر اوله ماز.

قاضی، کندیسنه. مودوع اولان وظیفه عالیّه قضانک علویتنی تقدیر ایدره و شرع عالینک کندیسنه تودیع ایلدیکی قناعتی سؤ استعمال ایلهرک کمال عدالت ایله حرکت ایلسی و تواتر اولوب اولدیغی تقدیر ایتسی واجیدر.

جمادی الاخره سنه ۱۳۳۲

*
**

طرسوس قاضیلکنه جواباً تسطیر اولنان امرنامه سائی مشیختنهای صورتیدر:

اوقاف ذریه دن اولباده کی شورای دولت قرارینه توفیقاً خرج محاسبه النامقده ایسه ده بروقفک ذریته مخصوص نوعدن اولسی احکام الاوقافک یتش سکننجی مسئله سندم محرر اولدیغی وجهله منقطع الاخر نوعدن اوله رق واردات وقفک ابتداء مشروط له اولان ذریته کاملاً انقراضدن صکره سکسانجی مسئله ده مسطور اولدیغی اوزره انتهای بر جهت مؤبدّه خیریه یه موقوف اولسی لازم کله جکندن و بناء علیه ابتداء وقفک آز و جوق بر جهت خیریه سی اولوب وقفک وارداتی قسماً بولره و قسماً ویا فضله شکلنده تخصیصاً اولاده مشروط اولانلر ذری اوقافدن معدود اوله میه جغندن اوقاف مماثلک خرج محاسبه و مرتبات خزینه یه تبعی درکار کورلدیکی سبق ایدن استفساره جواباً اوقاف همایون نظارت جلیله سندن اشعار ایدلش اولدیغنک مجلس تدقیقات شرعیه افاده سیله صوب شریفکزه ازبارینه مبادرت اولندی.

*
**

مقام مشیختدن درس وکالت علیه سنه تسطیر اولنان ۲۴ جمادی الاولى ۱۳۳۲ تاریخلی و طقسان یدی عددلی تذکره علیه صورتیدر:

طلبه علومک طریق تحصیلده کمال موفقیتله ایلر ولیه بیلمسی و کندیلرندن بکلنیلن مائر فیض وکالک تجلی ایده بیلمسی انجق اوقات معینه ده درس لرنده اثبات وجود ایلرینه و درس ساعتلرینک غیری زمانلرینی مدرسه لرنده احضار دروسه حصر ایتلرینه متوقف

اولوب فوت ایدہ جک بر دقیقه لری بیلہ اولمدیغنی بیلہ رک منتسین علم و عرفان ایچون شین آور اولہ جق محللرہ کیتمکدن مجانبت ایللری وجوبی درکاردر . بناءً علیہ طلبہ مومی الیہمک منتظماً درس لرینہ دوام ایلہ برابر درسدن چیققدن صوکرہ طوغریجہ مدرسلرینہ کیتملری وبو وجہ ایلہ طلبہ نک عودتی متعاقب مدارس قبولرینک قبادلسی وصالی وجعہ کیجہ لرندن ماعدا کیجہ لردہ یاتسونمازی عقیندہ مدارس قبولری قبانوب طلبہ نک آسودہ کی فکر ایلہ تحصیلہ غیرت ایللری مقتضی اولوب خلاقدہ حرکت ایلنلر حقندہ تدبیر انتباهی اتخاذ قلمسی وھیچ برمدرسدہ طلبہ مقیدہ سندن ماعدا کیمسہ نک مسافرت صورتیلہ بیتوتتہ مساعده اولنمسی مناسب و مقتضی کورلدیکندن اکاکورہ طلبہ یہ تنبیہات لازمه اجراسیلہ معاملہ مقتضیہ نک ایفاسی خصوصنک و طلبہ علومدن ایام ولیالی تحصیلہ قہوہ خانہ وغازینو کی محللرہ کیدنلر حقندہ طریق علمینک علویت و تراثتی وقایہ امثالہ عبرت مؤثرہ اولہ جق صورتدہ معاملہ انتباهیہ اجراسی مقرر اولدیغنی طلبہ یہ تفہیم ایدلسی لزومنک مدرسین کرامہ تبلیغی سیاقندہ تذکرہ مخلصی ترقیم قلندی .

—————

نصب و تعیین

نیکدہ لواسی مفتیلکنہ سلیمان افشار و حورقضاسی مفتیلکنہ قضاء مذکور نائب سابق سید حسن الشرفی و مرفته قضاسی مفتیلکنہ کوکسون مفتیسی یوسف و کوکسون مفتیلکنہ مفتی سابق مصطفی و دمیرکوی قضاسی مفتیلکنہ استاروہ مفتیسی عثمان و سرای قضاسی مفتیلکنہ دمیر حصارلی احمد نوری بوشیری قضاسی مفتیلکنہ محی الدین و طبریا قضاسی مفتیلکنہ محمد طاهر و بوغازلیان قضاسی مفتیلکنہ چاندر مدرسہ عبداللہ و آنس قضاسی مفتیلکنہ قضاء مذکور مفتی سابق احمد بن حسن الغنم و دورک قضاسی مفتیلکنہ الحاج عبداللہ صبری و ارکوب قضاسی مفتیلکنہ قومی زاده مصطفی و مرتضی قضاسی مفتیلکنہ درس و کالت علیہ سنده بالامتحان اثبات اہلیت علمیه ایدن مجاز طلبہ علومدن برکیلی حافظ شکری و اردک قضاسی مفتیسی حسن فوزی افندیکنک تقاعدہ سوقیلہ یرینہ یکیجہ و اردار مفتی سابق خلیل ابراہیم و استانکوی قضاسی مفتی و مدرس لکنہ سلانیکدہ غازی اسحق پاشا مدرسہ سی مدرسہ علی و حصن منصور قضاسی مفتیلکنہ محمد خالد و قرہ برون قضاسی مفتیلکنہ قدرغہ امامی حافظ محمد امین افندیلر تعیین بیورلمشلردر .